

ACTA DA SESIÓN ORDINARIA CELEBRADA POLA COMISIÓN INFORMATIVA PERMANENTE DE EDUCACIÓN, CULTURA, PATRIMONIO, DEPORTE, VOLUNTARIADO E PARTICIPACIÓN VECIÑAL O DÍA 22 DE NOVEMBRO DE 2013 ÁS 13:00 HORAS.

Sendo as trece horas (13:00) do día 22 de novembro de 2013, reúnese en sesión ordinaria convocada ao efecto a Comisión Informativa Permanente de Educación, Cultura, Patrimonio, Deporte, Voluntariado e Participación veciñal, coa asistencia das/os concelleiras /os que de seguido se indican

Concelleiras/os asistentes:

Vocais:

Grupo municipal popular
M^a Carmen Verde Leboráns

Grupo municipal socialista
José Francisco Doval Galán
José Manuel Miñones Conde

Concelleiras/os non adscritas/os
Susana Mallo Redondo
María González Gómez
Alfonso Rey López

Presidente: Don Santiago V. Amor Barreiro

Secretaria: Dona Rosa Ana Prada Queipo

ORDE DO DÍA:

Punto primeiro.- Aprobación, se procede, de actas anteriores.

Por maioría absoluta dos membros presentes foron aprobadas as actas correspondentes ás sesións de 14 de maio de 2012 e de 21 de xuño de 2013, coa abstención na de 14 de maio de 2012 de María González Gómez por non haber estado presente nesa sesión e na de 21 de xuño de 2013 coa abstención de María González Gómez por non haber estado presente nesa sesión e o voto favorable dos restantes membros da Comisión Informativa.

Punto segundo.- Designación de representantes do Concello nas escolas unitarias do municipio e no IES do Milladoiro.

O alcalde, **Santiago V. Amor Barreiro**, sinala que existe unha proposta de designación, para as escolas unitarias (Covas, Agrón, Guimaráns e A Igrexa) baseada no criterio da representación do centro ao que as escolas unitarias están adscritas e no caso do consello escolar do IES do Milladoiro faise unha proposta en base aos criterios de representatividade de cada grupo municipal e dos/as concelleiros/as non adscritos/as. Propón que o representante en Covas e San Lourenzo de Agrón sexa José Francisco Doval Galán, no caso de Guimaráns e A igrexa sexa Bernardo Moar Míguez e no caso do IES do Milladoiro o representante sexa un membro do grupo municipal popular.

Intervén **Susana Mallo Redondo** para expoñer, en primeiro lugar, que eles pediron que viñera a Pleno a modificación dos regulamentos das escolas infantís porque a representación que hai agora mesmo non se corresponde coa actual composición da corporación municipal. Con respecto á proposta que se trae hoxe, considera que o da adscrición é absolutamente irrelevante e se trata de representar ao Pleno do concello de Ames e non aos partidos.

Intervén o **alcalde** para puntualizar que nos centros educativos o grupo municipal popular ten un representante, os non adscritos teñen tres e o grupo municipal socialista ten dous.

Toma a palabra **Alfonso Rey López** para dicir que pode entender as propostas das escolas unitarias pola adscrición, pero o que non lle parece correctamente argumentado é o criterio para IES do Milladoiro, considera que e o mesmo representante que ten o IES de Bertamiráns debería ter o IES do Milladoiro. Anuncia que non van a apoiar a proposta que se trae á Comisión.

Toma a palabra **José Miñones Conde** para dicir que non lles parece lóxica a proposta que se trae porque non é consecuente co acordo plenario de xullo de 2011 no que se repartía entre todos. Se debería facer o reparto entre todos os membros do pleno e habendo catro unitarias o mais lóxico é que cada grupo teña unha e que o IES do Milladoiro si que supoñería unha representación á maiores. Continúa dicindo que cree que os representantes destes órganos

colexiados son representantes do Concello e non dos partidos e o importante é que se dea conta no Pleno do que está acontecendo en cada un dos consellos. Por último, falando do tema das escolas infantís, recorda que foi Pilar Candocia a que propuxo que foran os grupos os que estiveran representados pero que non teñen inconveniente en que se faga un reparto novo, modificando os regulamentos.

Intervén **Susana Mallo Redondo** para dicir que considera que o mais operativo é comunicar as cousas cando están pasando e non esperar ao Pleno, pero o que se lle pode pedir ao concelleiro de Educación é que recolla a información de todos os centros e faga periodicamente unha lista e dea conta.

Intervén **José Miñones Conde** para dicir que esta fórmula pode levar á tentación de que se utilice politicamente, polo que lle parece mellor que se dea regularmente conta no Pleno.

Intervén novamente **Alfonso Rey López** para dicir substancialmente que na súa opinión nos consellos escolares como o do IES de Bertamiráns, hai cousas que efectivamente deben transcender pero hai outras que el particularmente cree que son de carácter pedagóxico ou didáctico que non teñen porque transcender, que el pregunta ao consello escolar que queren que comente no Concello e fai o que lle din, e que esa comunicación a fai no pleno da corporación.

Intervén **José Miñones** para dicir substancialmente que o traballo de informar non se está a facer, cree que debería ser obrigatorio dar un resumo dos consellos escolares aos que asiste cada un dos membros do Pleno porque hai información que ao mellor se lle traslada ao concelleiro de Educación pero aos demais non, e deberían tela todos os concelleiros.

Intervén **Francisco Doval** para dicir que é importante que se informe das cuestións tratadas nos consellos que sexan de competencia municipal, das que deberá darse conta ao Pleno para tratalas e estar todos informados.

Intervén **Susana Mallo** para dicir que hai fórmulas para que todos informen a todos do que acontece nos consellos escolares ou que a información chegue ao concelleiro de Educación e el sexa o que logo traslade a información aos demais concelleiros. Continúa dicindo que ela cando vai ao Pleno como oposición necesita separalo de cando representa ao Concello nos consellos escolares.

Intervén o **alcalde** para dicir que se pode buscar unha fórmula entre todos, que lle dará traslado ao concelleiro de Educación para que se poña en contacto con todos e ver cal pode ser a maneira.

Intervén **José Miñones** para anunciar que eles votarán en contra desta proposta e farán un voto particular.

Intervén **Alfonso Rey** para anunciar que eles tamén farán chegar unha emenda ou un voto particular.

Rematadas as intervencións, o asunto é ditaminado desfavorablemente cos votos a favor dos dous representantes do grupo municipal popular, o voto en contra dos dous representantes do grupo municipal socialista e dos/as concelleiros/as non adscritos/as María González Gómez e Alfonso Rey López e a abstención de Susana Mallo Redondo.

E non habendo mais asuntos de que tratar o señor presidente da por rematada a sesión ás trece horas e dez minutos do día de referencia de todo o que eu como secretaria certifico.